

# 《佛說阿彌陀經要解》 補充講表

◎附表二十二：糅合《阿彌陀經要解講義》、《阿彌陀經要解親聞記》

○當知人根雖鈍，而丈六八尺之像身，無量壽佛之名字，未嘗不心作心是。

※《印光大師文鈔菁華錄》云：「作佛者，謂觀想佛像，憶念佛德及與佛號。是佛者，謂

當觀想憶念之時，佛之相好莊嚴，福德智慧，神通道力，悉現於觀想憶念者之心中。如鏡照像，敵體無二。然則心不作佛，則心不是佛，心作三乘，則心是三乘，心作六道，則心是六道矣。心之本體，如一張白紙。心之作用之善惡因果，如畫佛畫地獄，各隨心現。其本體雖同，其造詣迥異。故曰唯聖罔念作狂，唯狂克念作聖。吾人可不慎於所念所作乎哉！」

○此義即出天奇諸祖。前祖因念佛人，不契釋迦徹底悲心，∴一猛提醒，何止長夜復旦！

※天奇本瑞禪師，毒峰本善禪師。徹底悲心：佛以大悲愍念眾生，教人念佛，要人悟明「是

心作佛，是心是佛」之旨。一切眾生，不明斯旨，是為不契佛心。故諸祖邊傍巧出不甘心之方法，提倡參究念佛是誰。以佛心如是大悲，念佛者昧而不覺。故天奇示眾云：終日念佛，不知全體是佛；如不知，只觀念佛者是誰。「直下詰問，一猛提醒」：念佛畢竟是誰？猛力提醒，篤其正念，令其心開意解。即要人於言下，迴光返照，親見自性彌陀。

※何止長夜復旦者：眾生自從最初一念無明妄動，即迷卻本性，從迷入迷。在無明長夜中，而不覺悟。今為猛力提醒，豁然迷情頓破，心佛顯現，是謂復旦。眾生由本覺而不覺，今由不覺豁悟本覺。喻如昨日從旦入夜，今早從夜復旦；即性天明朗，佛日現前也。

○我輩至今，猶不肯死心念佛。苦欲執敲門瓦子，向屋裏打親生爺娘，：：非善順也。

※釋迦徹底悲心，要我念佛，我等猶不肯死心念佛，求生淨土，苦苦的去觀念佛是誰。一句話頭，猶如執敲門瓦子。向屋裏打親生爺娘：爺娘喻自心。能念所念，一一唯心。不了心作心是，反將念佛是誰，一句話頭，苦苦參究。自問念佛是誰，何異以敲門瓦子，打親

生爺娘也。參究之人，原欲善順諸祖，因不達祖意，違背祖師一猛提醒之意，非善順也。

○汝等正信未開，如生牛皮不可屈折。當知有目者，：而無目者亦何必於日中苦覓燈炬。

※正信未開者：即唯心之正信尚未開發。生牛皮：喻我法二執堅固，不柔軟，不可屈折也。

當知有目者：喻正信已開之人，深信即佛即心，即心即佛。自肯死心念佛，不必更加參究，故曰：固無日下燃燈之理。無目者：喻正信未開之人，正好死心念佛，自得心開。何必苦苦參究，於心中更去覓心。故曰：亦何必於日中，苦覓燈炬火？

○大勢至法王子云：不假方便，自得心開。此一行三昧中，大火聚語也。：寧不被燒。

※《大勢至菩薩念佛圓通章》云：「若眾生心，憶佛念佛。現前當來，必定見佛，去佛不遠。不假方便，自得心開。」一行三昧：即唯修念佛之行，而得正定也。

※一行三昧：指心專於一行而修習之正定。又作一三昧、真如三昧、一相三昧。

※《文殊師利所說摩訶般若波羅蜜經》卷下云：「善男子、善女人，欲入一行三昧，應處

空閑，捨諸亂意，不取相貌，繫心一佛，專稱名字；隨佛方所，端身正向，能於一佛念念相續，即是念中，能見過去、未來、現在諸佛。」

※《大智度論》卷十八云：「般若波羅蜜，譬如大火焰（聚），四邊不可取，無取亦不取。」

○十念通二時。晨朝十念，屬平時。十念得生，與觀經十念稱名同，屬臨終時。

※《印光大師文鈔菁華錄》云：「須知此之十念，與晨朝十念，攝妄則同，用功大異。晨

朝十念，盡一口氣為一念，不論佛數多少；此以一句佛為一念。彼唯晨朝十念則可，若二十、三十，則傷氣成病。此則念一句佛，心知一句；念十句佛，心知十句。從一至十，從一至十，縱日念數萬，皆如是記。不但去妄，最能養神。隨快隨慢，了無滯礙；從朝至暮，無不相宜。較彼掐珠記數者，利益天殊。彼則身勞而神動，此則身逸而心安。」

※《念佛三昧寶王論》云：「《大無量壽經》明一念念佛皆得往生，《觀經》十念，良有

以也。蓋為遘疾疴羸力微心劣故，須十稱彌陀，以助其念。」